

Ohcejoga gielda  
Čuvgehuslávdegoddi

## ČOAHKKINBEAVDEGIRJI

1

ČOAHKKINÁIGI	Duorastaga 23.4.2009 dmu 15.15-18.00		
ČOAHKKINBÁIKI	Gielldadállu, gielldaráđđehusa čoahkkinlatnja		
ČOAHKKINLAHTUT (JA MERKEN, GII DOAIMMAI SÁGADOALLIN)		Mielde	Eret
	Eriksen Kati, ságadoalli	x	
	Timo Korpi, lahttu	x	
	Mika Aikio, lahttu	x	
	Jaana Reinola, lahttu	x	
	Maija Länsman, lahttu	x	
	Johanna Saija, lahttu, várreságadoalli		x
	Pentti Pieski, lahttu	x	
	Merja Pieski, várrelahttu		
	Anu Pieski, várrelahttu		
	Nils Eric Lukkari, várrelahttu		
	Kaarina Vuolab-Lohi, várrelahttu		
	Jyrki Seilonen, várrelahttu		
	Aslat-Jon Länsman, várrelahttu	x	
	Esko A. Aikio, várrelahttu		
EARÁT, GEAT LEDJE MIELDE (JA MIELDEORRUMA VUOĐDU)	Arja Alaraudanjoki, beavdegirjedoalli, válmmaštalli Esko Härkönen, gielldaráđđehusa ovddasteaddji Kerttu Vuolab, dulka		
LÁGALAŠVUOHTA JA MEARRIDANVÁLDI § 37	<b>Mearrádus:</b> Čoahkkin gávnnavuvvui lágalaččan ja mearridan válddálažžan.		
BEAVDEGIRJI DÁRKKISTANVUOHKI (DÁRKKISTANÁIGI JA -BÁIKI SIHKE DÁRKKISTEADDJIID VÁLLJEN DAHJE MERKEN OVDDIT BEAVDEGIRJI DÁRKKISTEAMIS) § 38	<b>Mearrádus:</b> Čoahkkima beavdegirrijdárkkisteaddjin välljejuvvuiga Jaana Reinola ja Timo Korpi. Čoahkkima beavdegirji dárkkistuvvo dalán čoahkkima maŋŋá.		
BEAVDEGIRJI VUOLLÁIČÁLLIN JA NANNEN	Ságadoalli	Beavdegirjedoalli	
	Kati Eriksen	Arja Alaraudanjoki	
BEAVDEGIRJI DÁRKKISTEAPMI (BEAVDEGIRJI LEA DÁRKKISTUVVON JA DAT VÁSTIDA ČOAHKKINGIEDAHALLAMA. BEAVDEGIRJI GIEDAHALLANLÁĐIIDE LETNE (LEAT) MERKEN NAMMABUSTÁVAIDEAME(T))	Dárkkistanáigi Ohcejogas <u>23.4.2009</u>  Vuolláičállosat  Jaana Reinola	Timo Korpi	
BEAVDEGIRJI LEA DOLLOJUUVVON ALBMOŠIS	Báiki ja bvm Ohcejoga gieldda čuvgehusdoaimmahat (skuvlaguovddáš) ga 29.4.2009 Namma ja virgesajádat		

---

**Čoahkkima bargoortnega dohkkeheapmi**

23.4.2009

Čuvldg 39 §

**Evttohus:** Čuvgehuslávdegoddi dohkkeha áššiid gieđahallanortnega čoahkkima áššelisttu mielde.

**Mearráduš:** Evttohuslistu ja lassiaššin válmmaštallon §:t 64-65 dohkkehuvvojedje gieđahallanláhkai.

## Gáregasnjárgga skuvlla sisáibmodilli

26.2.2009

Čuvldg 34 § Timo Korpi válddi ovdan Gáregasnjárgga skuvlla sisáibmodilli.

Mearreduvvui, ahte čuovvovaš čoahkkimii bivdojuvvo sadjebálvalus buktit Gáregasnjárgga skuvlla sisáimmu mihtidanbohtosiid. Lávdegoddi bivdá čuovvovaš čoahkkimii giddodathoavda Toivo Partasa čilget huksenteknikkalaš ášiid. Lávdegoddi bivdá skuvllas veadjojearahallama bohtosiid ja eará dieđuid dávdamearkkaid birra.

Čuvldg 40 § Giddodathoavda Toivo Partanen muitala Gáregasnjárgga skuvlla sisáimmu mihtidanbohtosiin ja das čuovvu vejolaš doaimbajuin.

Válmmaštalli ovdanbukta čoahkkimis Gáregasnjárgga skuvlla veadjojearahallama bohtosiid ja dearvasvuhtii guoski eará jearahallamiid.

**Evttohus:** Čuvgehuslávdegoddi merke áššiid diehtun.

**Mearráduš:** Toivo Partanen muitalii 3.3.2009 dahkon sisáimmu mihtidanbohtosis, man mielde dušše sm 4-6 luohkás guohpagoobbariid meari mánná badjel norbmaárvvu. Su mielde om. luohkkálanja ii oáččo geavahit oahpahaslatnjan ovdal go čielggaduvvo, mas dutkanboadus bohta. Doaimbajiu várás teknikkalaš doaimma ohcá mearreruđa lassibušeahta bokte jo jagi 2009 várás. Gaskadiimobiggoheapmi lea okta čuovvovuohtii kvalitehtii. Partanen muitalii, ahte bohtosa geažil dán luohkkálanjii plánat ja ráhkadat áibmomolsun.

Ságajodiheddji Kati Eriksen evttohui, ahte skuvllas dahkat odđasit dearvasvuodajearahallama virggálaš skoviin oahppiide ja bargovehkii mannu áiggi geažil das, go sm-luohká guohpagoobbariid álgu lea čielggaduvvon ja divvojuvvon, áibmomolsun lea dahkon ja goikkas áimmu váttisvuhta lea čuovvovuohtii. Jaana Reinola guottihii ságajodiheddji evttohusa.

Ságajodiheddji evttohus dohkkehuvvui ovttamielalaččat

## Skuvllaid bargo- ja luopmoáiggit lohkanjagi 2009-10

Čuvldg 6 § Vuodđoahpahušlága 23 § 1 momeantta mielde lea vuodđoskuvlla bargobeivviid lohku lohkanjagis 190, eará árgabeivviid earet lávvardaga ala deaivan iehčanasvuodabeaivi, loahppázat ja válborbeaivi geahpeduvvojit bargobeivviin. Lohkanjagi 2009 - 10 bargobeivviid lohku lea 189, daningo lohppázat ga 6.1.

Válmmaštalli sáddii skuvllaide cealkámuša várás čuovvovaš evttohsaid.

1) Čakčalohkanbadji álgá vu 17.8.2009 ja nohká ma 22.12.2009. čakčaluopmu 19.-20.10.2009 (vu-ma). Oktb. 90 bargob.

Gidđalohkanbadji álgá du 7.1.2010 ja nohká lá 5.6.2010, čuoiganluopmu 8.-12.3.2010, be 14.5.2010 friijabeaivi. Oktb. 99 bargob.

2) Čakčalohkanbadji álgá vu 17.8.2009 ja nohká lá 20.12.2009. čakčaluopmu 19.-21.10.2009 (vu-ga). Oktb. 88 bargob.

Skuvlla sáhttet váldit guokte bargolávvardaga lohkanjagi áigge vai sáhttet doallat vahku guhkkosaš čakčaluomu.

Gidđalohkanbadji álgá vu 4.1.2010 ja nohká lá 5.6.2010, čuoiganluopmu 8.-12.3.2010, be 14.5.2010 friijabeaivi. Oktb. 101 bargob.

3) Čakčalohkanbadji álgá ga 12.8.2009 ja nohká ma 22.12.2009. čakčaluopmu 19-23.10.2009 (vu-be). Oktb. 90 bargob.

Gidđalohkanbadji čuoggá 1) mielde.

Skuvllaid ja oahppigotti cealkámušat:

Njuorggáma skuvla evttoha geahččalanlundosaččat spiehkaseaddji skuvlabarggu álgín- ja loahpahanáiggi, mas sierra paragráffa. Juos sin evttohussii ii leat vejolaš miehtat, de skuvla lea molsseavttu 2 duohken.

Gáregasnájrgga skuvla oahpaheaigoddi lea molsseeavtti 1 duohken.

Ohcejohnjálmmi skuvlla ja logahaga oahpaheadjit evttohit čuovvovačča:

Čakčalohkanbadji álgá ma 18.8.2009 ja nohká lá 19.12.2009. čakčaluopmu 19.-20.10.2009 (vu-ma). Oktb. 88 bargob.

./..

---

Skuvllaid bargo- ja luopmoáiggit lohkanjagi 2009-10

./..

Gidđalohkanbadji álgá vu 4.1.2010 ja nohká lá 5.6.2010, čuoiganluopmu 8.-12.3.2010, be 14.5.2010 friijabeaivi. Oktb. 101 bargobv.

**Evttohus:** Čuvgehuslávdegoddi mearrida lohkanjagi 2009-10 bargo- ja luopmoáiggiid birra čuovvovačča:

Čakčalohkanbadji álgá vu 17.8.2009 ja nohká lá 19.12.2009. čakčaluopmu 19.-21.10.2009 (vu-ga). Oktb. 88 bargob.

Gidđalohkanbadji álgá vu 4.1.2010 ja nohká lá 5.6.2010, čuoiganluopmu 8.-12.3.2010, be 14.5.2010 friijabeaivi. Oktb. 101 bargob.

Vuođđoahpahusas leat guokte baji: 17.8.2009-13.1.2010 ja 14.1-5.6.2010.

Logahatoahpahusas leat vihtta baji:

1. badji: vu 17.8-ga 7.10.2009, 38 beaivve
2. badji: du 8.10-du 3.12.2009, 38 beaivve
3. badji: be 4.12.2009-vu 8.2.2010, 37 beaivve
4. badji: ma 9.2-vu 12.4.2010, 38 beaivve
5. badji: ma 13.4-lá5.6.2010, 38 beaivve

**Mearrádus:** Maija Länsman buvtii ovdan, ahte maiddáai earát go Njuorggáma skuvlla váhnemat galget addit cealkámuša suvllaid bargo- ja luopmoáiggiid hárrái.

Mearreduvvui, ahte ášši giedahallan sirdojuvvo čuovvovaš čoahkkimii čuoiganluomu áigemuttu oddasis guorahallama várás.

Čuvldg

23.4.2009 41 §

Giđa 2010 stuđeantačállosat leat 15.3-31.3. ja beassášluopmu lea 2.-5.4.2009. Čuoiganluomu sáhtta nappo doallat jogo vahkus 10 (5 beaivve) dahje beassáziid maŋŋá 6.-9.4 (4 beaivve). Jagis 2011 beassážit leat 22.-25.4 ja jagis 2012 6.-9.4. Stuđeantačállosat álget álo vahkus 11 ja nohket vahku 13 gaskkamuttus.

Lávdegoddi bivdá maid skuvllaid oahppiid váhnemiin cealkámuša lohkanjagi 2009-10 bargo- ja luopmoáiggiin.

./..

---

Skuvllaid bargo- ja luopmoáiggit lohkanjagi 2009-10

./..

**Molssaeaktu 1**

Čakčalohkanbadji álgá vu 17.8.2009 ja nohká lá 19.12.2009.  
čakčaluopmu 19.-21.10.2009 (vu-ga). Okt. 88 bargobv.

Gidđalohkanbadji álgá vu 4.1.2010 ja nohká lá 5.6.2010,  
čuoiganluopmu 8.-12.3.2010, be 14.5.2010 friijabeaivi. Okt. 101  
bargobv.

./..

**Molssaeaktu 2**

Čakčalohkanbadji álgá vu 17.8.2009 ja nohká lá 19.12.2009.  
čakčaluopmu 19.-23.10.2009 (vu-be). Okt. 86 bargobv.

Gidđalohkanbadji álgá vu 4.1.2010 ja nohká lá 5.6.2010,  
čuoiganluopmu 6.-9.4.2010, be 14.5.2010 friijabeaivi. Okt. 102 bargobv.

Lassin skuvllat barget ovttá lávvardatbargobeavve bargoplánas  
meroštallan beavve.

Skuvllat sáhttet ovdanbuktit maid iežaset molssaeavttuid.

Jearahallamii vástidan Gáregasnjárgga skuvlla oahppiid fuolaheaddjiin  
eanaš guottihedje molssaeavttu 2. Oahpaheaigoddi guottiha maid  
molssaeavttu 2 čuoovvovaš nuppástusaiguin: čakčaluopmu 21-23.10.2009  
(3 bv) ja gidđalohkanbadji álggášii 7.1.2010.

Ohcejohnjálmmi skuvlla oahppiid fuolaheaddjiid gaskkas molssaeaktu 1  
sierralágan rievdadusaiguin (čakčaluopmu 3-5 bv, bargolávvardagat,  
skuvla álgá easkka 7.1.2010) oaččui eanemus guottáhusa. Nubbin  
eanemus guottáhusa oaččui čuoovvovaš evttohus: čakčalohkanbadji  
molssaeaktu 1, gidđalohkanbadji molssaeavttu 2 mielde ja skuvla álggášii  
7.1.2010.

Ohcejohnjálmmi skuvlla ja sámelogahaga oahpaheaigoddi evttoha  
molssaeavttu 1 čuoovvovaš nuppástusaiguin: čakčalohkanbadji álgá ma  
18.8.2008 ja lohkanbadjái gullá okta bargolávvardat 9.1.2010.

Njuorggáma skuvlla váhnemiid oaivilat juohkásedje dási molssaeavttu 1  
ja 2 gaskka. Oahpaheaigoddi lea molssaeavttu 2 bealde.

**Evttohus:** Čuvgehuslávdegoddi mearridalohkanjagi 2009-10 bargo- ja  
luopmoáigin čuoovvovačča: ./..

---

**Skuvllaid bargo- ja luopmoáiggit lohkanjagi 2009-10**

./..

Čakčalohkanbadji álgá 17.8.2009 ja nohká lá 19.12.2009.  
čakčaluopmu 19.-23.10.2009 (vu-ma). Oktb. 86 bargob.

Gidđalohkanbadji álgá vu 4.1.2010 ja nohká lá 5.6.2010,  
čuoiganluopmu 6.-9.4.2010, be 14.5.2010 friijabeaivi. Oktb. 102 bargob.

Dasa lassín skuvllat barget ovttá lávvardaga dalle goas ieža mearridit.

Vuodđooahpahusas leat guokte baji: 17.8.2009-13.1.2010 ja 14.1-  
5.6.2010.

Logahatoahpahusas leat vihtta baji:

1. badji: vu 17.8-ke 7.10.2009, 38 beaivve
2. badji: du 8.10-be 4.12.2009, 37 beaivve
3. badji: vu 7.12.2009-ma 9.2.2010, 37 beaivve
4. badji: ga 10.2-vu 12.4.2010, 38 beaivve
5. badji: ma 13.4-lá5.6.2010, 38 beaivve

**Mearrádus:** Jaana Reinola evttohii joavkku beales, ahte muđuid  
evttohusa mielde, muhto čakčaluopmu lea 3 beaivvi 21-23.10.2009 (ga-  
be) ja gidđalohkanbadji álgá 7.1.2009.

Mearrádussan bođii Jaana Reinola evttohus. Válmmaštalli rievdata bajiid  
mearrádusa mielde.

## Girjerádjodoaimma ordnen 1.1.2010 rájes

Čuvldg 18 § Ohcejoga gielda galgá mearridit loahpalaččat maiddái girjerádjodoaimma ordnemis jagi 1.1.2010 rájes.

Ohcejoga gielddastivra mearridii juovlamánus 2006, ahte Ohcejoga gielda oastá girjerádjobálvalusaid 1.5.2007 rájes Anára gielddas ja ahte čuvgehusdoaimma doaimmahatabrgi lea dárbbášettiin geavahusas maiddái girjerájus. Čuvgehuslávdegoddi válljii 22.2.2007 ráđadallangotti joatkit ráđđadallamiid bálvalusa jahkehattis Anára gielddain. Anára gielda hilggui haddefálaldaga ja ráđđadallamat nohke dasa.

Ohcejoga gielda lea goittoge merken PARAS-fidnu oktan gielddaid gaskasaš ovttasbargovejolašvuohtan girjerádjobálvalusaid.

Ohcejoga gielddas leat golbma molssaeavttu:

- 1) Ohcejoga gielda ráđđadallá girjerádjodoaimmahoavdda bálvalusaid oastimis Anára gielddain. Vuodđun ráđđadallamiidda geavahuvvo giđa 2007 áigge ovttas Anára gielddain dahkkon soahpamuš, mii lea čuovusin.
- 2) Ohcejoga gielda (soahpamušgielda) ráđđadallá oktasaš girjeráju birra (guovlogirjeráju) Anára gielddain nu, ahte Anára gielda doaimmašii isitgielddan. Girjerádjobusses ráđđadallovuvvo sierra.

Čuovvovaččas ovdamearka das, mo guovlogirjeráju lea ordnejuvvon:

Isitgielda vástida girjerádjodoaimma ordnemis. Soahpamušgirjerájuin lea oktasaš hálldahus, ekonomiija, bargit, luovos opmodat, materiálat, doaimmat. Bargit sirdašuvvet boares bargin isitgieldda bálvalussii. Girjeráju ja –lanjat selot soahpamušgieldda opmodahkan, guovlogirjeráju oažžu daid nuvttá geavahussii.

Hálldahuslaščat guovlogirjeráju lea oassi isitgieldda čuvgehusdoaimmas. Guovlogirjeráju sáhtá vuodđudit stivrenjoavkku, masa gullet soahpamušgieldda ovddasteaddji(t).

Soahpamušgieda máksá guovlogirjeráju doaimmas ja hálldahusas jahkásaččat mákisnossodaga, mii sohppojuvvo ja mii nannejuvvo soahpamušgieldda gielddastivrras. Máksinossodat doallá sisttis bálvalusa buvttadeamis ág. gielddas šaddan duođalaš goluid ja vel hálldahusa dábálaš goluid. Soahpamušgieldda ráđđadalla jahkásaččat dahje dárbbášettiin guovlogirjerájuin girjerádjobálvalusaid dásis ja ekonomijas. Soahpamušgieldda oažžu stáhtaossodaga dego ovdal.

- 3) girjerádjodoaimma bissu iehčanas doaimman.

./..

## Girjerádjodoaimma ordnen 1.1.2010 rájes

./..

Ulbmilin lea, ahte gielddaid girjerájuin galgá leat unnimusat ovtta olbmo jahkebergu / álgi 1000 ássi vuostá. Ámmátdáiddu sihkkarastima dihte Girjerádjjoásahussii (1078/1998) lea válđojuvvon mearráduš, man mielde gieldda (dahje gielddaid oktasaš) girjerádjjoálgádusa (dahje vásttideaddji oktasaš hálddahusa) girjerádjjo- ja diehtobálvalusain vásttideaddji olbmui gáibiduvvo bajit allaskuvladutkkus, mii doallá sisttis dahje man lassin lea čađahuvvon unnimusat 35 oahppovahkku (60 oahppočuoggá) viidosaš girjerádjjo - ja informašuvdnasuorggi ávnnasoahput. Ohcejoga girjeráju buohta dát om. gáibádus ii dál ollašuva.

Eará bargiin unnimusat 2/3:s galgá leat girjerádjjoosuorggi skuvlejupmi, mii sáhtá leat allaskuvladutkkus, oahppodutkkus dahje ámmátlaš vuodđodutkkus. Dasa galgá gullat unnimusat 20 oahppovahkku viidosaš girjerádjjo- ja informašuvdnasuorggi ávnnas- dahje ámmátlaš oahput.

Ekonomalaččat buoremus molsseaktu lea juogo 1 tai 2. Juos gielda mearrida ordnet girjerádjjoaimma iežas doaibman, de girjerádjjoaimmahoavdda virgi galgá biddjot ohcan láchkai ja devdojuvvot oasseáigásažžan, omd. maks. 50 %:n, 1.1.2010 rájes.

**Evttohus:** Čuvgehuslávdegoddi evttoha gielddaráđđehussii ja ain ovddos gielddastivrii, ahte girjerádjjoaimma ordnejuvvon molsseaktu 2 mielde 1.1.2010 rájes.

**Mearráduš:** Ságadoalli evttohii, ahte ášši guđđojuvvon beavddi ala lassečilgehusaid várás. Evttohus dohkkehuvvui ovttamielalaččat.

Čuvldg 42 § Lasseválmmaštallan: Válđogirjeráju goasttádusat ledje/leat

	tp 2008	ta 2009
boadut	-6 280	-1 500
manut	101 913	104 220
netto	95 634	102 720.

Girjerádjjoaimmahoavdda jahkebálká lea j. 2009 s. 30 200 €, mii sisttisdoallá maid bálkká siidogoluid. Dasa lassin girjerádjjoaimmahoavddas šaddet mátkegolut s. 1300 €/jahki, dát sisttisdoallá maid girjerádjjobiilla čoahkkinmátkkiid ja filbmabarggu ordnemii laktáseaddji mátkegoluid.

./..

## Girjerádjodoaimma ordnen 1.1.2010 rájes

/..

- 1) Njukčamánu 2007 Anára ja Ohcejoga gielddaid girjerádjodoaimmahoavdda bálvalusaid vuovdinsoahpamuševttohusa mielde Ohcejoga gielda livččii máksán Anára gildii 10 % girjerádjodoaimmahoavdda ollesbálgágo luin, mátkkoštangoluid ja eará doaibmagoluid rehkega vuostá. Golut leat oktiibuot j. 2010 s. 10 000 €.

Lassin girjerádjui dárbbášuvvo s. 30 % girjerádjoveahkkebargi jahkeluopmo- ja virgefriijavuoda- jed. sadjásažžan dálá 100% girjerádjovirgeolbmo lassin. Golut leat s. 6650 € jagis.

Kultur- ja filmabarggu galggašii sirdit astoáiggečállii bargun.

Dát málle lea s. 13 500 € hálbbit molssaeaktu go dálá.

- 2) Guovlogirjeráju golut livčče sullii seamma ollu go ovddibus, muhto doaimmas dáfus buoret molssaeaktu. Isitgielldamálles Ohcejoga gielda mávssášii girjeráju goluid nuvván Anára gildii ja oažžu das goit normála stáhtadoarjaga.
- 3) Jos gielda mearrida ordnet girjerádjodoaimma iežas doaibman, girjerádjodoaimmahoavdda virggi ferte bidjat ohcanláhkai ja deavdit oasseáigásažžan, omd. máks. 50 %:n, 1.1.2010 rájes goasttádusseasttuid geažil. Jos virgi devdojuvvo 100 %:n, golut lassánit jahkásaččat s. 5% dán jagi ektui.

**Evttohus:** Čuvgehuslávdegoddi evttoha ain gielddaráđdehussii ja gielddastivrii, ahte Ohcejoga gielda álggaha ráđđádallamiid Anára gielddain guovlogirjeráju birra. Guovlogirjeráju álggahivččii doaimmas 1.1.2010.

**Mearráduš:** Ságajodiheadji Kati Eriksen evttohii joavkku beales, ahte evttohusa 3 mielde nu ahte girjerádjodoaimma iežas doaibman ja girjerádjodoaimmahoavdda virgi 100 %, mas 20% gullá kultur barggu ja 10 % filmabarggu ordnema várás.

Vuodustussan joavku evttohii čuovvovaččat:

1. seastu girjerádjobálvalusaid kvalitehta, girjeráju rábásáiggi ja sáme gielat bálvalusa hedjoneami ektui lea unni,
2. háliidat vásáhusaid rávesolbmuidskuvlla bálvalusaid diŋkomis gieldda olggobealde,
3. kultur- ja filmabarggu ii sáhte sirdit ásttuáiggečállái nu ahte ii čielgasit fuoniduvvo lihkadus - ja nuoraid barggu bálvalusat,
4. gielda lea plánemin ja ohcamin ruhtadeami Áilegas-instituhta várás, man oassin girjerádjobálvalusaid mearkašupmi deattuhuvvá, juos dieđadoaimma ovddiduvvo Ohcejogas,
5. 30 % girjerádjovirgeolbmo bargolasáhus ii leat čielggas,

---

**Girjerádjodoaimma ordnen 1.1.2010 rájes**

./..

6. ovtta girjerádjovirgeolbmoss eai leat resurssat dikšut ássehašbálvalusa ja eará doaimmaid almmá ahte eai girjeráju rabasáiggit čielga geahppán,
7. ainge málle 1 dahje 2 ii livčče Ohcejoga girjerájus alit allaskuvlladutkosa čađahan girjerádjovirgeolmmoš dego Leivo čielggadusas s. 12 geatnegahttojuvvo,
8. Girjeráju galggašii bálvalusaid fuonideami sadjái ovddidit ja dutkat omd. ohcamiin ruhtadeami kultur- ja filmabarggu ovddideami ja lasiheami várás,
9. Girjerádjobiila lea hálddahaslaččat golmma gieldda vuloš, hálddahusa biđgen Anárii ii gehččo dárbbášlažžan,
10. Girjerájo- ja kulturdoaimma lea seastán jo virgeráhkadusnuppástusain, girjerádjodoaimmahoavda fuolaha ovdeš kulturčálli doaimmain.

Čuvgehuslávdegoddi evttoha gielddaráđdehussii ja ain stivrrai, ahte Ohcejoga gielda ordne girjerádjodoaimma iežas doaimman ain 1.1.2010 rájes.

Kati Eriksen evttohus dohkkehuvvui ovttamilelalaččat.

---

**Mearreáigásaš veaigebeairiekkesjodiheaddji válljen**

Čuvldg 20 § Njuorggámis 39,2 % (=15 vh) veaigebeairiekkesjodiheaddjin lea váldojuvvon Leena Naapani Njuorggámis mearreáigásažžan áigái 9.2.-28.2.2009. Leena Naapani lea lohpidan dikšut om. doaimma 31.5.2009 rádjai.

**Evttohus:** Čuvgehuslávdegoddi váldá Leena Naapani Njuorggámis bargui 39,2 %:s (=15 vh) Njuorggáma skuvlla veaigebeairiekkesjodiheaddji doibmii meareáigásažžan áigái 1.3.-31.5.2009.

**Mearrádus:** Dohkkehuvvui.

Čuvldg 43 § Leena Naapani lea almmuhan veahkkehoavda Marja Seilosii, ahte son ii joatkke skuvlla veaigebeairieggá jodiheaddjin 28.2.2009 maŋŋá. Skuvllas lea dál dilli, ahte dán rieggá eai leat šat čuoiganluomu maŋŋá bastán fállat 1-2 –luohkáid oahppiide jodiheaddji váiluma geažil.

**Evttohus:** Čuvgehuslávdegoddi merke ášši diehtun.

**Mearrádus:** Dohkkehuvvui.

---

Njuorggáma skuvlla evttohus lohkanjagi 2009-2010 bargo- ja luopmoáigin

Čuvldg 30 § Njuorggáma skuvlla váhnemat ja oahpaheaddjit mearridedje váhnemiideahkedis 19.1.2009 evttohit oktamielalaččat lohkanjagi 2009-2010 bargoáiggiid birra Njuorggáma skuvlla oasil iskkadallanláhkai ná:

Skuvla álgá 24.8.2009 (molssaeaktu 1) dahje 19.8.2009 (molssaeaktu 2) ja skuvla nohká 11.6.2010.

Vuođustusat: Geassemánu álggus leat dájvja heajos dálkkit, dábálaččat lea vel siivvuhisvuohta ja čoaskkis. Borgemánus fas geassi lea čábbasamos muttus ja dalle lea buoremus lubmenáigi.

Fuolaheaddjiid ja oahpaheaddjiid mielde Ohcejoga gieldda eará skuvllaide ii šatta mangelágan hehttehus sin evttohan ortnegis. Maiddái skuvlla eará bargoveahka guottiha dán ortnega.

Lasseválmmaštallan: Vuodđooahpahusa (852/1998) 7 § mielde lohkanjagi skuvlabargu nohká vahku 22 mañimuš árgabeaivve.

Spiehkasteamis mearrida oahpahasministeriija. Oahpahasministeriija mielde gieldda galgá dárkilit vihkkedallat ovttá skuvlla buohta spiehkasteami skuvllaid bargo- ja luopmoáiggiin. Oahpahasministeriija ávžžuha skuvllaid bissut seammá rytmmas unnimusat gieldda dásis.

Suomas okta gávpot ja okta Davvi-Suoma gieldda leat muhtimin vihkkedallan ohcat ásahasas spiehkasteami, muhto ášši lea daid bokte báhcán háleštallama dásái. Oktage geahččaleapmi ii dán áššis leat leamašan.

Juos čuvgehuslávdegoddi goittotge mearrida ohcagoahtit spiehkasteami, de gieldda galgá vuos dahkat áššis čielggadeami ovttasbarggus Gielddalihtuin, Gielddalaš bargomárkanlágádusain ja Oahpaheaddjiid ámmátservviin.

**Evttohus:** Ohcejoga čuvgehuslávdegoddi ii dohkket Njuorggáma skuvlla ohcamuša spiehkaseaddji bargoáiggis lohkanjagi 2009-10.

**Mearrádus:** Ságadoalli evttohii, ahte ášši giedahallan sirdojuvvo čuovvovaš čoahkkimii. Ságadoalli evttohus dohkkehuvvui ovttamielalaččat.

./..

./..

23.4.2009

Čuvldg 44 §

Giieldalihttu ii iešalddes oainne eastaga dasa, ahte oahpahusa ordnejeaddji ozašii iskkadanlobi Njuorggáma skuvlii spiehkastit vuoddoahpahasásahusa meroštallan skuvlabarggu nohkanáiggis. Loahpa loahpas dat lea oahpahusa ordnejeaddji, mii berre árvvoštallat, leatgo skuvlla evttohan vuodustusat doarvái iskkadanlobi ohcamii Oahpahasministerias. Iskkadanlobi guoski mearrádušat leat mávssuvuloš mearrádušat (iskkadanlobi haddi 870 €).

Bargomárkanlágádusa dáfus ii leat mearkašupmi das, vaikko skuvla álggášii ja nogašii skuvlla evttohan áigge. OVBES ii sisttisoala mearrádušaid skuvlla álgimis dahje nohkamis. Dehálaš lea, ahte oahpahasbargovahkut leat 38 je. man birra lea mearriduvvon B oasis 13 ja 14 §:in ja rehkenastimii vuodduduvvi jahkeluopmu álgá 16.6.

Njuorggáma skuvlla váhnemiin ja oahpaheaigottis boahdá várra oktasaš cealkámuš áššis čoahkkimii.

**Evttohus:** Ohcejoga čuvgehuslávdegoddi ii dohkket Njuorggáma skuvlla ohcamuša spiehkaseaddji bargoáiggis lohkanjagi 2009-10.

**Mearráduš:** Skuvlla veahkkehoavda lea šleatgapoastta bokte 21.4.2009 almmuhan, ahte skuvla (váhnemat ja oahpaheaigoddi) gesset evttohusaset eret.

---

**Vuodjanhálla geardebilehtaid bajiduvvon geassehattit áigodahkii 1.6.–15.8.2009**

Čuvldg 45 § Vuodjanhálla geardebilehtaid hattit leat dál: rávesolbmot 3 €, ealáhatolbmot ja oahppit 2 €, skuvlalaččat 1,5 € ja vuollái skuvlaahkásaččat 1 € sihke diŋgonsávdni máksá 25 € geardi.

Geasseáigge vuodjanhállas fitnet olu eanet olbmot go dálveáigge, nu ahte viidasut rabasáiggiid gokčamii mii evttohat vuojadanmávssuide unna bajádusa.

Ášši válmmaštalai astoáiggečáli.

**Evttohus:** Čuvgehuslávdegoddi mearrida loktet vuodjanhálla geardebilehtaid hattiid geasi rabasáiggiid (1.6.–15.8.2009) áigodahkii ná: rávesolbmot 4 €, ealáhatolbmot ja oahppit 2,50 €, skuvlalaččat 2 € ja vuollái skuvlaahkásaččat 1 € sihke diŋgonsávdni máksá 30 € geardi.

**Mearráduš:** Dohkkehuvvui.

---

**Vuodjanhálla jahkefuolahus**

Čuvldg 46 § Vuodjanhállas dahkkojuvvo jahkefuolahus ja vuđolaš čorgen gidđat, ovdal geassesesonŋa álgima. Vuodjanhálla čorgejeaddji sávvá, ahte čorgema sáhtášii dahkat miessemánu áigge. Heivvolaš áigi livččii 11.5.–1.6.2009.

Ášši válmmaštalai astoáiggečálli.

**Evttohus:** Čuvgehuslávdegoddi mearrida giddet vuodjanhálla áigodahkii 11.5.–1.6.2009 jahkefuolahusa ja vuđolaš čorgema geažil.

**Mearrádus:** Dohkkehuvvui.

---

**Sierraoahpaheaddji virggi deavdin**

Čuvldg 47 § Sierraoahpaheaddji virgi (bargobáikin Ohcejohnjálmmi skuvla, suomagielat oahpahas) leamašan ohcanláhkai 6.4.2009 dmu 16 rádjai. Ohcanalmmuhus leamašan gieldda almmuhantávvalis, Inarilainen-aviissas ja bargofápmodoaimmahagas.

Mearreáigái bohte 4 ohcamuša. Ohccilogahallan čuovusin. Ohcciin 1 lea gelbbolaš dán virgái (ásahus oahpahasdoaimma bargoveaga gelbbolašvuodagáibádusain 986/1998).

Jos virgái eai leat gelbbolaš ohccit, virgi devdojuvvo áigodahkii 15.8.2009-5.6.2010.

**Evttohus:** Čuvgehuslávdegoddi vállje Helena Korpela Vantaas Ohcejohnjálmmi skuvlla sierraoahpaheaddji virgái, mii lei ohcanláhkai, doaisttáži 1.8.2009 rájes. Korpela biehtadeami várás lávdegoddi vállje 1. várresadjái Tarja E. Länsmana Buolbmatjávrris mearreáigái 15.8.2009-5.6.2010.

**Mearrádus:** Dohkkehuvvui.

---

**Lektora virggi deavdin**

Siv.ltk 48 § Lektora virgi (bargobáikin Ohcejoga Sámelogahat, oahpahuš maid Ohcejohnjálmmi skuvllas, oahpahušávnnasin sámegiella eatnigiellan ja vieris giellan.) leamašan ohcanláhkai fásta deavdima várás 6.4.2009 dmu 16.00 rádjai. Ohcanalmmuhus leamašan gieldda almmuhantávvalis, Inarilainen- aviissas ja bargofápmodoaimmahaga siidduin.

Mearreáigái bođii 1 ohcamuš. Ohccilogahallan čuovusin. Ohcci ii leat gelbbolaš dán virgái (ásahuš oahpahušdoaimma bargoveaga gelbbolašvuodagáibádusain 986/1998).

Jos virgái eai leat gelbbolaš ohccit, virgi devdojuvvo áigodahkii 15.8.2009-5.6.2010.

**Evttohus:** Čuvgehuslávdegoddi vállje fil.yo Helmi Länsmana Ohcejogas Ohcejoga sámelogahaga lektora virgái, mii lei ohcanláhkai, mearreáigái 15.8.2009-5.6.2010.

**Mearrádus:** Kati Eriksen evttohii joavkku bealis, ahte daningo ohcciin ii giige deavdán gelbbolašvuodagáibádusaid, virgi devdo mearreáigásažžan 31.12.2009 rádjai.

Evttohus dohkkehuvvui Kati Eriksen evttohan nuppástusain.

---

Lektora virggi deavdin

Čuvldg 49 § Lektora virgi (bargobáikin Gáregasnjárgga skuvla, oahpahasávnnašin matematihkka, fysihkka, kemia ja diehtoteknihkka, vejolaččat maid eará ávdnasat, suomagielat oahpahas. Sámegiela máhttu gehččojuvvo erenomáš ánsun) leamašan ohcanláhkai fásta deavdima várás 6.4.2009 dmu 16.00 rádjai. Ohcanalmmuhus leamašan gieldda almmuhantávvalis, Inarilainen- aviissas ja bargofápmoaimmahaga siidduin.

Mearreáigái bohte 6 ohcamuša. Ohccilogahallan čuovusin. Ohcciin 2 leat gelbbolaččat dán virgái (ásahus oahpahasdoaimma bargoveaga gelbbolašvuodagáibádusain 986/1998).

Jos virgái eai leat gelbbolaš ohccit, virgi devdojuvvo áigodahkii 15.8.2009-5.6.2010.

**Evttohus:** Čuvgehuslávdegoddi vállje FM Vesa Maanselkä Gáregasnjárggas Gáregasnjárgga skuvlla lektora virgái, mii lei ohcanláhkai, doaisttáži 1.8.2009 rájes.

**Mearrádus:** Dohkkehuvvui.

---

**Dáiddaávdnasiid ollesáigásaš diibmooahpaheaddji virggi deavdin**

Čuvldg 50 § Dáiddaávdnasiid ollesáigásaš diibmooahpaheaddji virgi (bargobáikin Ohcejohnjálmmi skuvla, oahpahas maid logahagas, oahpahas maid eará oahppalágádusain, oahpahasávnasin ee. musihkka, duojit, govvadáidda, lihkadeapmi, sáme- ja suomagielat oahpahas.) leamašan ohcanláhkai mearreáigásaš deavdima várás 6.4.2009 dmu 16.00 rádjai. Ohcanalmmuhus leamašan Inarilainen-aviissas ja bargofápmodoaimmahaga siidduin.

Mearreáigái bohte 4 ohcamuša. Ohccilogahallan čuovusin. Ohcciin ii oktage deavdde dán oahpaheaddi virggi gelbbolašvuodagáibádusaid (ásahas oahpahasdoaimma bargoveaga gelbbolašvuodagáibádusain 986/1998). Dušše ovttá ohccis lea eatnigiellalágan sámegeiela máhttu.

Jos virgái eai leat gelbbolaš ohccit, virgi devdojuvvo áigodahkii 15.8.2009-5.6.2010.

**Evttohus:** Čuvgehuslávdegoddi vállje Niilo Rasmusa Ohcejogas Ohcejohnjálmmi skuvlla diibmooahpaheaddji virgái, mii leai ohcanláhkai, mearreáigái 15.8.2009-5.6.2010.

**Mearrádus:** Dohkkehuvvui.

---

**Gielaidektora virggi deavdin**

Čuvldg 51 § Gielaidektora virgi (bargobáikin Gáregasnjárgga skuvla, oahpahasávnasin eaŋgals-, ruota-, ruoššagiella, sámegiella vieris giellan, suomagiella eatnigiellan, vejolaččat maid eará ávdnasat. Suomagielat oahpahas.) leamašan ohcanláhkai mearreáigásaš deavdima várás 6.4.2009 dmu 16.00 rádjai. Ohcanalmuhus leamašan gieldda almmuhantávvalis, Inarilainen-aviissas ja bargofápmodoaimmahaga siidduin.

Mearreáigái bohte 2 ohcamuša. Ohccilogahallan čuovusin. Ohcciin ii oktage deavdde dán oahpaheaddji virggi gelbbolašvuodagáibádusaid (ásahus oahpahasdoaimma bargoveaga gelbbolašvuodagáibádusain 986/1998).

Jos virgái eai leat gelbbolaš ohccit, virgi devdojuvvo áigodahkii 15.8.2009-5.6.2010.

**Evttohus:** Čuvgehuslávdegoddi vállje Huk Mirja Suojakorpi-Valle Gámasmohkis Gáregasnjárgga skuvlla lektora virgái, mii lei ohcanláhkai, mearreáigái 15.8.2009-5.6.2010.

**Mearrádus:** Dohkkehuvvui.

## Oahppofriijavuodaohcamuš

Čuvldg 52 § Ohcejohnjálmmi skuvlla luohkáohpaheaddji (gaskaboddosaš lektorán lǰ 2008-09) Tarja A. Länsmán ohcá bálkkáhis oahppofriijavuoda čakčalohkanbaji bargoaigái 17.8.-19.12.2009 ja gidđalohkanbadjái 4.1.-5.6.2010. Länsmána ulbmilin lea oážžut govvadáidaga magisttarohpuid lohppii.

Fuopmášahtti lea, ahte OVBES:a OASI A Almmolaš oasi V logu 32 § (Virgefriijavuoda váikkuhus bálkái) mielde jos oahpaheaddji leamašan bálkkáhis virgefriijavuodas iige leat ohcan dan skuvlla luopmoáigái (čakča-, juovla, čuoigan- ja beassášluopmu), sus ii leat vuoigatvuohta luopmoáiggi bálkái.

Lasseválmmaštalan: Gustovaš oahppofriijavuodalága 4 § mielde "Bargis, gean bargogaskavuohta seammá bargoaddái ovttá dahje máŋgga bajis lea bistán oktiibuot unnimusat jagi, lea maŋŋá mearreduvvon ráddjemiiguin riekti oážžut oahppofriijavuoda seammá bargoaddi bálvalusas viđa jagi áigge oktiibuot eanemusat guokte jagi."

5 § mielde "Oahppofriijavuodda sáhtá miedehuvvot oahpu gazzamii almmolaš bearráigeahču vuollásaš skuvlejumis."

8 §:mielde " Juos oahppofriijavuoda miedeheapmi ohcamušas oaivvilduvvo áigge buvttášii dovdomassii hehttehusa bargoaddi doaimmamii, de lea bargoaddis vuoigatvuohta sirdit oahppofriijavuoda álgima eanemusat guđain mánuin dahje, juos skuvlejupmi álgá hárvvibut go guđa manu gaskkaid, de eanemusat dassáži, go čuoovvoaš skuvlendilálašvuohta ordnejuvvo.

Gustovaš oahppofriijavuodaásahusa 6 § mielde  
"Oahppofriijavuodaohcamušas galgá boahit ovdan:

- 1) oahpuid ja ohccojuvvon oahppofriijavuoda álgima ja nohkama áigemuddu;
- 2) ohcamuša oaivvildan skuvlejumi ja oahpu gazzama hápmi ja ulbmil;
- 3) leago jearaldagas ovddit oahppofriijavuoda áigge álggahuvvon skuvlejumi dahje oahpu gazzama gergen;
- 4) oahppalágádus dahje eará skuvlejumi dahje oahpu gazzama lágideaddji, man girjiin oahppi lea dahje man lágidan ja bearráigeahču vuollásaš dutkkus lea; ja

./..

---

**Oahppofriijavuodaohcamuš**

./..

5) váldodoaibmasaš iehčanas oahpu gazzamis oahpuid rávvejeaddji oahpaheadji ja oahppi oktasaččat dohkkehan oahppoplána, mas bohtá ovdan áigojuvvon dutkkus dahje oahppočájánas ja dan eaktudan oahpugázzanáigi.

Juos oahppofriijavuolta ohccojuvvo dutkosa čadaheami várás, de ohcamušii galgá laktit duodaštusa dutkosii almmuheamis.

Tarja A. Länsman lea leamaš oahppofriijavuolta čuovvovaččat: 4.9.2006 (álggahan) -2.2.2007 ja ovttat oahppofriijavuodát sullii 40 beaivve.

**Evttohus:** Čuvgehuslávdegoddi dohkkeha Tarja A. Länsmana ohcamuša bálkkáhis oahppofriijavuodas čakčalohkanbaji bargoáigái 17.8.-19.12.2009 ja gidđalohkanbadjái 4.1.-5.6.2010.

Bálkkálaš geasseluomu 6.6-31.7.2010 eaktun lea, ahte ohcci sáhtá čujuhit, ahte ii gacca oahpu om. áigge. Juos ohcci ain gazzá oahpu om. áigge, de áigi gehččojuvvo bálkkáhis oahppofriijavuoltan.

**Mearrádus:** Dohkkehuvvui.

---

**Luohkáohpaheaddji sadjásašvuohta áigodahkii 15.8.2009-5.6.2010**

Čuvldg 53 § Luohkáohpaheaddji sadjásašvuohta áigodahkii 15.8.2009-5.6.2010 (bargobáikin Ohcejohnjálmmi skuvla, sámegielat oahpahuš. Oahpahuš maid 7.-8. luohkáide.) leamašan ohcanláhkai mearreáigásaš deavdima várás maŋnebárgga 14.4.2009 dmu 16.00 rádjai. Ohcanalmmuhus leamašan gieldda almmuhantávvalis, Inarilainen-aviissas ja bargofápmodoaimmahaga siidduin.

Mearreáigái ii bohtán oktage ohcamuš.

**Evttohus:** Čuvgehuslávdegoddi joatká virgesadjásašvuođa ohcanáiggi miessemánu lohppii.

**Mearráduš:** Evttohus ja lassievttohus dohkkehuvvui.

---

Ovddasteaddjiid nammadeapmi sámiid skuvlenáššiid oktasašbargoorgánai

Čuvldg 54 § Sámediggi ásaha Sámiid skuvlenáššiid oktasašbargoorgána válgabadjái hávil. Oktasašbargoorgána bargun lea ovddidit sámegeiela ja sámegeielat oahpahusa ovtta skuvlema ordnejeaddjiiguin, oahpahushálddahasain ja Sámedikkiin, ovddidit diehtjohtima, oktasaš ovddidanfidnuid ja eará virgeoapmahašoktasašbarggu.

Sámediggi bivdá ovddasteaddji ja várreovddasteaddji nammadeami oktasašbargoorgánai válgabadjái hávil. Oktasašbargoorgána čoahkkana jahkásaččat 1-2 geardde. Čoahkkimiin giedáhallo sámegeiela ja sámegeielat oahpahusa dilli sierra gielddain ja gullojuvvo stáhta oahpahushálddahasu ovddasteaddjiid sáhkavuorut áigeguovdilis áššiin.

Sámediggi bivdá ovddasteaddjiid nammadeami oahpahusministerias, oahpahusráđđehusas, Lappi leanaráđđehusas ja sámiid ruovttuguovllu gielddain. Oktasašbargobealit mákset ovdeš vuogi mielde iežaset ovddasteaddjiid mátkegoluid.

Gielddaráđđehus lea nammadan čoahkkimisttis 6.5.2008 Ohcejoga gieldda ovddasteaddjin giielddaráđđehusa ságajodiheadji Antti Kateketta ja várreovddasteaddjin rektor-čuvgehusdoaimmahovda Arja Alaraudanjoki jagiide 2008-2011.

Skuvlenáššiid oktasašbargoorgána lea áidna orgána dahje forum, mas gielddaid ovddasteaddjit ovtta Oahpahusministeriain, Sámedikkiin ja Leanaráđđehusa ovddasteaddjiiguin ságastallet sámegeielat ja sámegeiela oahpahusa áigeguovdilis áššiin, vejolaš váttisvuodain, maidda figgojuvvo ovtta váikkuhit omd. virggálaš čállosiin Oahpahusministeriain. Gieldda ovdu lea, ahte dán orgánas livčče mielde nu luohttámušolmmoš go omd. njunušvirgehálddašeaddji.

**Evttohus:** Čuvgehuslávdegoddi evttoha, ahte Sámediggi rievdadivččii iežas meannudanvuogi ja bivddášii gielddaid nammadit Skuvlenáššiid ráđđadallangoddái ovta ovddasteaddji sajis ovta luohttámušolmmošovddasteaddji ja ovta virgeolmmošovddasteaddji ja sudnuide várreovddasteaddjiid.

**Mearráduš:** Dohkkehuvvui.

Ohcejoga gielda  
Čuvgehuslávdegoddi

23.4.2009

26

---

Almmuhus dikšunfriijavuodas ja sadjásašvuoda ordnen

12.6.2008

Čuvglg 79 § Ii almmolaš ášši.

23.4.2009

Čuvldg 55 § Ii almmolaš ášši.

---

**Čuvgehusdoaimma hálddahushoavdda várreolbmo nammadeapmi**

23.4.2009

Čuvldg 56 §

Čuvgehuslávdegoddi galgá nammadit hálddahushoavdda várreolbmo go rektor-čuvgehusdoaimmahoavda lea virgefrijjavuodas: Olmmoš ii leat dál nammaduvvon, ovdal bargui lea mearreáigái nammaduvvon va. girjerádjodoaimmahoavda Liisa Ahlakorpi.

**Evttohus:** Čuvgehuslávdegoddi nammada va. girjerádjodoaimmahoavda Liisa Ahlakorpi čuvgehusdoaimma hálddahushoavdda várreolmmožin mearreáigásaččat 31.12.2009 rádjai.

**Mearráduš:** Dohkkehuvvui.

## Girjerádjobiilla bušeahta nuppástus ja lassebušeahtta

23.4.2009

Čuvldg § 57

Va. girjerádjodoaimmahoavda lei ohcan Oahpahasministerias girjerádjobiilla goluide 64 800 € sturrosaš sierradoarjaga jahkái 2009. Ohccojuvvon submi lea merkejuvvon maiddái gielldastivrra dohkkehan jagi 2009 bušehtti girjerádjobiilla doaibmabohtun.

Oahpahasministeria lea goit mearrádusainis 78/623/2008 12.2.2009 mieđihan dušše 50 000 € sturrosaš sierradoarjaga jagi 2009 girjerádjobiilla goluide. Ná boađuin lea dán jagi vuollebáza 14 800 €.

**Evttohus:** Čuvgehuslávdegoddi evttoha gielddaráđdehussii ja ain viidasabbot gielldastivrii girjerádjobiilla bušeahta nuppástusa, mii sisttisoallá nettomanuid lassáneami 14 800 €:in.

## 2310 Girjerádjobiilla

	TA 2009	nuppástus	odda submi
Boađut			
3330 Eará doarjagat	-64 800	-14 800	-50 000
Doaibmagolut	69 480	bissu seammán	
Doaibmagokču	4 680	+14 800	19 480

**Mearrádus:** Dohkkehuvvui.

---

Fuolaheaddji ohcamuš

23.4.2009

Čuvldg § 58 li almmolaš ášši.

## Cealkámušbivdda Sámi oahpahasguovddáža láhkaárvalusa birra

23.4.2009

Čuvldg § 59

Oahpahasministeria bivdá Ohcejoga gielddas cealkámuša árvalusas ”Hallituksen esitys laiksi Saamelaisalueen koulutuskeskuksesta” (Ráđđehusa evttohus láhkan Sámi oahpahasguovddáža birra) 20.4.2009 rádjai.

Evttohusa váldosisdoallu:

Evttohusas evttohuvo ásaht ođasmahttojuvvo lága Sámi oahpahasguovddáža birra ja seammás gomihuvvošii dálá láhka (945/1993).

Dálá láhka lea mánggaláhkai boarásmuvvan iige leat čuvvon skuvlenláhkaásaheamis dahkon nuppástusaid. Oahpahasguovddáža doaimbairas ja doaimma lea rievdan. Maiddái sámegeala ja sámiiid sajádaga guoski njuolggadusat leat ođasmuvvan.

Sámi oahpahasguovddáža sajádat sámegeavllu ja sámeálbmoga skuvlendárbbuide vástideaddji stáhta oahppolágádussan seaillošii ovddeš láhkai.

Sámi oahpahasguovddážis livčče ain guokte guovddáš skuvlenbarggu. Oahpahasguovddáža addin ámmátlaš vuoddo- ja lasseskuvlemis čuvvojuvvošii buot osiin ámmátlaš skuvlema birra addojuvvo lágaid njuolggadusat. Dálá lágas máinnašuvvon dábálaš čuvgehusa addi rávesolbmuidskuvlen -dearbma rievdaduvvošii sámegeala ja kultuvrra oahpahas ja dasa gulašii maid sámegeavllu ovddeapmái oavvilduvvon gursahápmášaš oahpahas. Dán, oahpahas guoski, kvantitatiiva muddemis luohpaduvvošii nu, ahte oahpahas viidodaga birra sohppojuvvošii boadussoahpamušas, mii dahkkojuvvošii Oahpahasráđdehusain. Dán oahpahas oahppiid vuoigatvuodát, geatnegasvuodát, oahpposiolálaš ovddut ja eará sajádat meroštallojuvvošedje čielgasabbot go dál. Oahpahasguovddáža hálddahasorgánaid ja bargoveaga guoski njuolggadusat váldojuvvošedje eanaš láhki, go dat dál leat ásaahas. Stivrra ásahepmi sirdojuvvošii leanaráđdehusas Oahpahasráđdehussii.

Láhka evttohuvo boahit fápmui jagi 2010 álggus.

Láhkaevttohusa vuodustusain, § 3 Skuvlema ordnen, gávnnavuvvo Ohcejoga oasil ná:

./..

---

**Cealkámušbivdda Sámi oahpahasguovddáža láhkaárvalusa birra**

./..

Ohcejoga sámelogahaga doaimma oktavuodas lea buktuojuvvon ovdan vejolaš doaimmalobi sirdin gielddas stáhtii dahjege Sámi oahpahasguovddáži. Váttisvuhtan leat logahaga unnivuohhta (sullii 20 oahppi), gieldda heajos ekonomalaš dilli ja logahatskuvlemis šaddi golut. Daid dieđuid vuodul, mat leat geavaheamis, eai leamašan ákkat váldit beali evttohusaide Ohcejoga sámelogahaga ordnenlobi sirdimis Sámi oahpahasguovddáži. Logahatláhka dahká vejolažžan logahatskuvlema ordnenlobi mieđiheami maid stáhtii. Nuppe dáfus mánggat ovttasbarggu, skuvlema njuovžilis ollašuhttinvuogiid ja ovdal skáhppojuvvon máhtu dovddasteami guoski njuolggadusat dahket vejolažžan juo dál oahpahasguovddáža ja guovllu logahagaid ovttasbarggu. Oahpahasguovddás ja Avvil logahat leatge čakčat 2008 álggahan ovttasbarggu ja duppaldutkosa oahpuid álggahedje 7 oahppi. Dán ovttasbarggu ovddida maidái Anára gieldda jagis 2008 vuodđudan Kalotin oppimiskeskus (Kalohta oahppanguovddáš) -vuodđudus. Logahatláhka dahká vejolažžan ee. sámegiela oahpahusa buorinlohkama maidái dalle go oahpahas lea ordnejuvvon fierpmádathámis.

Vaikko oahpahasguovddáža bargun lea ámmátlaš skuvlema ordnen, čujuhemiin logahatláhkii lea háliduvvon dahkat vejolažžan oahpahasministeriai maid dárbbu mielde mearridit logahatskuvlema vejolaš ordnemis. Jos dákkár ordnenlohpi mieđihuvvošii, oahpahasguovddáža guoski lága ii dan oktavuodas dárbbasivčče rievdadit, dasgo logahatláhka, mii skuvlemii heivehuvvo, lea juo máinnašuvvon.

Láhkaevttohusa 3 § mañimuš cealkka gullo ná: Logahatskuvlema ordnemis mearriduvvo logahatlágas (629/1998).

Logahatlága (629/1998) logu 2 Skuvlema ordnen §:s 3 gávnnavuvvo ee. ná: Áššeapmahaš ministeria sáhtá mieđihit gildii, gielddaidovttastupmái, registrerejuvvon ovtastussii dahje vuodđudussii lobi logahatskuvlema ordnemii. Logahatskuvlema sáhtá, dan mielde go ministeria mearrida, ordnet maid stáhta oahppolágádušas.

Gielddahoavda ja válmmaštalli leaba ovdal válmmaštallanbargojoavkku barggu gárváneami addán Oahpahasráđđehussii dan bivdagis dákkár kommentta :

”Ohcejoga gieldda mielas Sámi oahpahasguovddážis lea erenomáš stuorra mearkkašupmi guovllu nuppi dási skuvlema oažžumii, dasgo sámequovllus eai doaimma eará nuppi dási skuvlema ordnejeaddji ovttagat earet sámequovllu gielddaid smávva logahagaid.

./..

---

**Cealkámušbivdda Sámi oahpahuosguovddáža láhkaárvalusa birra**

./..

Ohcejoga gieldda mielas láchkii, mii dál ođastuvvo, galgá gullat Sámi oahpahuosguovddáža vejolašvuohta ja vuoigatvuohta ordnet dábálaš čuvgehusa addi oahpahusa oahpahuosministeria sierra lobiin. Mii bivdit virgeolmmošbargojoavkku váldit vuhtii válmmaštallanbarggustis Lappi leanaráđdehusa dahkan čielggadeami sihke Ohcejoga gieldda čađahan ráđđádallamiid nu Sámi oahpahuosguovddážiin go Oahpahuosministeriain gieldda logahatoahpahusa sirdimis Sámi oahpahuosguovddážiin ordnenláhkai nu, ahte logahatoahpahuos seailu Ohcejogas.”

**Evttohus:** Ohcejoga čuvgehuslávdegoddi cealká láhkaevttohusas čuovvovačča:

Lága 2 §:s gávnnavuvvo, ahte Oahpahuosguovddáža ruoktobáiki lea Anára gielda. Vuodustusain goittotge gávnnavuvvo váikkahuosguovlu viidáseabbon Davvi-Lappis. Dan geažil Ohcejoga gieldda mielas Sámi Oahpahuosguovddáža ruoktobáikin galgá meroštallat sámeguovllu gielddat, vai oahpahuos addojuvvošii oppa sámeguovllus automáhtalaččat. Omd. 4§:s daddjojuvvo, sámegiela ja –kultuvrra oahpahusa sáhttá lágidit maiddá ruoktobáikki olggobealde.

**Mearráduš:** Dohkkehuvvui.

## Skuvlavázzinveahkkebargiid doaimmaid deavdinlohpi

Čuvldg 60 § Ohcejohnjálmmi skuvllas dárbbasuvvo uhcimustá 1 sáme gielat skuvlavázzinveahkkebargi, vejolaččat 2.

Loahpalaš dárbu čielgá vahku 21 loahpa rádjai. Dál leat 2 veahkkebargi. Doaimmat devdojuvvojit dušše dárbbu mielde geassemánu lávdegotti čoahkkimis. Dárbbu vuodđun leamašan mearrádus sierraohpahussii sirdimis sihke joavkku sturrodat ja oahppiid heterogenašvuohta. Veahkkebargi dárbbu birra cealká maid skuvlla oahppifuolahusbargojoavku čoahkkimisttis du 14.5.2009.

Lasseválmmaštallan: Skuvlavázzinveahki skuvlengáibádussan lea skuvlavázzinveahki dutkkus dahje vástideaddji. Juos ohccis ii leat doibmii gelbbolašvuohta, de bargoaddi sáhtta giddet ohcci oahppasoahpamušskuvlejupmái. Oahppasoahpamušskuvlajumis galgá máinnašit ohcamis.

**Evttohus:** Čuvgehuslávdegoddi ohcá gielddaráđđehusa lobi guovtti (2) skuvlavázzinveahkkebargi doaimma deavdimii 17.8.2009 - 2.6.2012 dahjege vádjit golmma jagi mearráigái. Veahkkebargi bargoáigi lea seamma go oahppis, gean veahkin son lea, sihke lassin vejolaččat eahketbeairieggá jodiheapmi.

**Nuppástusevttohus:** Čuvgehuslávdegoddi ohcá gielddaráđđehusas lobi guovtti (2) skuvlavázzinveahki doaimma deavdima várás 17.8.2009 - 12.6.2011 dahjege váile guovtti (2) jagi mearráigái. Vuodustussan lea nuppástuvvi persovnnalaš vehkiid dárbu, mii lea veahki dárbbasveaddji oahppiid dárbbu duohken ja máiddi oahpahušjoavkkuid ja daid sturrodaga mielde.

Veahki bargoáigi lea seammá go veahki dárbbasveaddji oahppi bargoáigi dárbbu ja vihkkedallma mielde +0,5 h /beaivi materiála válmmašteapmái jed. ja vel vejolaš veaigebeairieggá jodiheapmi.

Dasa lassin juos ohccis ii leat doibmii gelbbolašvuohta, de bargoaddi barguiváldineaktun lea, ahte ohcci čatnasa skuvlavázzinveahki oahppasoahpamušskuvlejupmái guovtti jahkái, bargoaddi addá ovdasaji ohccii, gii čatnasa skuvlavázzinveahki oahppasoahpamušskuvlejupmái guovtti jahkái.

**Mearrádus:** Dohkkehuvvui.

## Lohkanjagi 2008-09 skuvllaid bargoplánaid nuppástusat/lasáhusat

Čuvldg 61 § Gáregasnjárgga skuvla lea evttohan čuovvovaš nuppástusaid/lasáhusaid iežas bargoplánii:

1. Bargo- ja luopmoáiggiid guoski mearrádusa mielde skuvla galggai mearridit ovttá bargolávvardaga áigodaga birra. Oppa skuvlla bargolávvardat lea sotnabeaivve 5.4.2009. Maiddái vuolledási su 2.-6. luohkáid, sá 0.-1. luohkáid ja sá 4.-6. luohkáid oahppit oassálastet skuvlla ordnen bearašdáhphussii dán beaivve, man geažil sis lea friija duorastaga 9.4.2009, dasgo dát luohkát leat čakčat doallan juo ovttá bargolávvardaga.
2. Suomagielat 2.-6. luohká luohkkáreaisu Roavvenjárgii 25.5.-27.5.2009. Reaisu dahkkojuvvo Lappi guovloteáhtera 5. luohkkálaččaide oaivvilduvvon teáhterprošeavtta oktavuodas. Lappi guovloteáhter lea bovden (ja maid máksá goluid) Lappi leana buot 5. luohkkálaččaid teáhterii Roavvenjárgii 25.5.

Njuorggáma skuvla lea evttohan čuovvovaš lasáhusaid iežas bargoplánii:

1. Mañnebárgga 10.3.2009 skuvllas olgobeavi Buolbmágis
2. Mañnebárgga 7.4.2009 lihkadanbeavi
3. Suomagielat 3.-6. luohká teáhterreaisu Roavvenjárgii 25.5.2009. Lappi guovloteáhter lea bovden (ja máksá maid goluid) Lappi leana buot 5. luohkkálaččaid teáhterii Roavvenjárgii 25.5. Maiddái 3.-6. luohkáid eará oahppit leat buresbohtán fárrui.

Ohcejohnjálmmi skuvla lea evttohan čuovvovaš lasáhusaid iežas bargoplánii:

1. gaskavahko 25.3.2009 sámeagielat ovdaluohká reaisobeavi Skállováris
2. mañnebárgga 7.4.2009 sámeagielat 1-2 luohká reaisu Njuorggámii
3. 5. luohkáid teáhterreaisu Roavvenjárgii 25.5.2009. Lappi guovloteáhter lea bovden (ja máksá maid goluid) buot Lappi leana 5. luohkkálaččaid teáhterii Roavvenjárgii 25.5.

**Evttohus:** Čuvgehuslávdegoddi dohkkeha nuppástusaid/lasáhusaid skuvllaid lohkanjagi 2008-09 bargoplánaide válmmaštallama mielde.

**Lasáhusevttohus:** Čuvgehuslávdegoddi dohkkeha maiddái Njuorggáma skuvlla bargoplánii čuovvovaš lasáhusaid: 0-2 luohkáid eanadállomatki (4 h) 25.5.2009 Buolbmágii (Norgii) ja maiddái 26.6.2009 sihkelmátki (3 h).

Lassin Ohcejoganjálmmi skuvlla bargoplánai lasihuvvo sámeagielat 0-6 luohkáid ollesbeaivvimátki Gorretatádjagii 19.5.2009.

**Mearrádus:** Evttohus ja lassievttohus dohkkehuvvui.

## Breavat diehtun

Čuvldg 62 § **Evttohus:** Čuvgehuslávdegoddi merke diehtun čuovvovaš boahtán breavaid:

Riikkabeivviid veahkkevuoigatvuodaáššeolmmoš; 25.03.2009

- Mearrádus guoddalusii

Ohcejoga geasselogahat: 20.03.2009

- Geasselogahat 2009 gursaplánat

Oahpahusráđđehus ja CIMO; 13.03.2009

- Álbmogiidgaskasašvuohta – ávvosáhkavuoruiin skuvlla árgabeaivái. Diehtu gieldda njunušolbmuide ja rektoriidda

Skuvladoaibma; 27.02.2009

- Stáhtadoarjaga ohcan vuodđooahpahusa vieris gielaid oahpahusa ovddideapmái jagiide 2009-2010

Ohcejoga gielddastivra; 24.02.2009

- Gielddaráđđehusa lahtuid ja várrelahtuid válga – ášši nr 6
- vuodđodorvolávdegotti lahtuid ja várrelahtuid válga – ášši nr 10
- gieldda almmuhusaid diehtun bidjan jagis 2009 – ášši nr 24
- gielddastivrra ságajodiheaddjiid válga – ášši nr 5
- guovddášválgalávdegotti ja várrelahtuid válga – ášši nr 8
- ealáhuslávdegotti lahtuid ja várrelahtuid válga – ášši nr 9
- čuvgehuslávdegotti lahtuid ja várrelahtuid válga – ášši nr 11
- dárkkistanlávdegotti lahtuid válga – ášši nr 7

Ohcejoga gielddaráđđehus; 25.02.2009

- gielddastivrra čoahkkima 06.02.2009 čadaheapmi § 82
- gielddaráđđehusa ovddasteaddji nammadeapmi lávdegottiide § 71
- Ohcejoga, Deanu ja Kárášjoga gielddaid ovttasbargodoaibmagotti lahtuid válga § 76

./..

## Breavat diehtun

./..

Beavdegirjjidárkkisteaddjiid nammabustávat	
--	--

---

Kesälukioseura; 18.03.2009

- Geasselogahagat 2009 prošyra

Perkiösalmi (?), A.S; 09.03.2009

- Breava Ohcejoga kulturlávdegoddái

Oahpahusráđđehus; 09.03.2009

- Rávesolbmuidskuvllaid oahpposedellágan doarjagat 2009

**Mearrádus:** Dohkkehuvvui.

---

**Bušehta ollašuvvan**

Čuvldg 63 § Čuovusin bušehta ollašuvvan.

**Evttohus:** Čuvgehuslávdegoddi merke bušehta ollašuvvama diehtun.

**Mearráduš:** Dohkkehuvvui.

---

**Čoahkkinbovdehusas máinnaškeahthes eará áššit  
Gudnemearkaevttohusat**

Čuvldg 64 §

Lappi leanaráđđehusa čuvgehusossodat bivdá sluvla- ja girjerádjoáššiin vástideaddji lávdegottiin evttohusaid das, geat galget oažžat gudnemearkkaid. Evttohusat oktan vuodustusaiguin Oahpahusministeriija rávvagiid mielde bivdojuvvojit 29.5.2009 rádjai.

Evttohusat galget vuodđuduvvat njuolggadusain oaivvilduvvon persovdnaguovdasaš ánsuide. Virge- ja bálvalusjagat eai danenassii sáhte leat gudnemearkka miediheami ággan. Vuosttassajis vuolggačuokkisin leat gaskadási bajábealde leahkki ánsut, maid áššáigullelaš olmmoš lea čájehan iežas ámmátsuorggis dahje mearkkašahti servodatlaš bargguin. Eaktun lea lassin buorre máinnalmasvuohhta ja maiddá hálu váldit vuostá gudnemearkka.

Ovddit gudnemearkka dahje árvonama miediheamis galgá leat gollan uhcimustá čieža jagi.

Miedihan láhkai gudnemearkka luohkká lea gitta oažžu virge- dahje eará sajádagas. Nappo galgáge dárkilit guorahallat, man luohká mearka evttohusvo.

Evttohusaid dagadettiin galgá muitit maiddá daid olbmuid, geaidda sáhtta evttohit vuolit luohká mearkkaid (ánsuruossaid ja medáljaid), iige dušše olbmuid, geaidda evttohusvojit bajit luohká mearkkat.

Evttohusaid galggašii dahkat sierra gudnemearkaluohkkán nu ovtta dási go vejolaš goappáge sohka beali ja sierra ámmátjoavkkuid ánsolaš evttohasain.

Evttohusaid galgá geahččalit dahkat dalle, go áššáigullelaš lea velá virggis dahje doaimmas iige easka dalle, go son lea sirdašuvvan ealáhahkii.

**Evttohus:** Čuvgehuslávdegoddi dahká Leanaráđđehussii evttohusaid gudnemearkkaid oažžu.

**Mearrádu:** Maija Länsman evttohii gudnemearkkalektor Jorma Autioi (luohtámušalmmáidoaibma, guhkes oahpaheadji bargu, ee. fitnodatdallodoalu prošeaktabarggus). Pentti Pieski guottihii Länsman evttohusa.

Maija Länsman evttohus šattai mearrádussan.

---

Almmuhus virgehálddašeaddji oasseáigásaš dikšunfriija šluhttemis

23.4.2009

Čuvglg

65 §

Lektor Auli Länsman lea almmuhan ahte son šluhtte oasseáigásaš dikšunfriija ja máhccá olles virgásis 1.8.2009 rájes.

**Mearráduš:** Ášši merkejuvvui diehtun.